




12333

仲蔚先生集卷之三



吳郡俞允文著



五言古詩

感遇十首

昔聞柱下史超蹟日室岨追隨五星精抱一握
玄樞乘化閱衆甫出入窺有無寶書垂千鈞光
耀誕八區玉管貯丹藥青沈秘金壺飢渴至靈
實于道若為拘苟非至人存誰為閱羣愚

俞仲蔚先生集

卷之三

一

其

朝飢固清真檀氣閱金室空色滋霧露松柏映
虛帟若橘垂青苞翠帶桂鷓鴣貧居日沉靜披
覽終九術卓茲臺佟子乃得至精實

崆峒有靈瓜曷衍千歲期食之可長生棄捐豈
所宜餘姿惜霜雪焉能久嗚茲婉孌驕榮子輔
輓桃李蹊

北望北郭里松柏蔽川坻極目千里原駘蕩春
雲滋困獸多窟步離禽多毀姿倚靡立中賢懷
慨內傷悲

西北地踔遠，僕急無馬富。少年多永懷，出入帶
雙鞞。俠客馳千騎，城闌起烟霧。萬里入黃雲，落
日曠多趣。廣鷹忽騰虎，深陘時見聚。豈伊持重
極，轉使桀黠回。懷我李將軍，空山射兔兔。
高天何悠悠，萬古何清清。清復何有誰，為萬
古情。日月經其中，寒暑盪其精。氣盡物亦化，焉
能固鴻名。仰觀太始初，嘆息此羣生。

古有林類者，寂寞守靈宅。青春擗荒穢，寡居年
已百。千載稱其人，豈不感至德。悠悠清天中，擾
擾各有適。

俞仲蔚先生集

卷之三

二

朝凌太清中，遙願望三梁。飛魚不可餌，超世發
竒芳。飄飄丹城關，遊戲白玉房。石渠滿青華，碧
藕越千常。採服玄元氣，養德奉神皇。壽命安可
極，但恐彫三光。

朝馳漳河間，幕次劾碣陰。結交非一兩，鞍馬忽
相臨。刻容彌廣坐，藏活復多門。妖姬美清夜，跼
履擬鳴琴。狹室近月光，英音激霜鐔。中多寡游
士，涕下不可禁。

灌園林畝首日夕延遠飈秩秩品物繁欣欣共
榮凋捐捐漢陰老喀喀仲子操適已不在取乃
不見吾勞暇豫事多愜沉冥理忽超臨觀波池
靜彌悟星月高道真固如此曠然不可招

感懷六首

涼氣凜中夜華月散清藹遙遙睇脩旻惕焉感
前誨智拙勸時終力瘁矜已急涉樂無恒豫在
戚有餘慨遺念千載下身名豈相逮此已非吾
有歲月焉足賴

俞仲蔚先生集

卷之三

三

淵

猗歟上世士養空究當年曠視遺耳目虛遊萬
物間高操無與儔誰為尚其賢是非還相蘊舉
世咸共然伊人久云亡斯名竟誰傳

伯僑與陵陽念彼誠有之脩齡彌萬代恍惚還
復來誰云非疇匹為是余所希一形會有盡胡
事空獨馳百年豈云遼安能與我期一遊俄景
滅緹悔將焉施

生命固有常于世鮮能由天道諒微昧衲福不
相讐運促無脩齡吾行將安休高行令世踈寵

耀逢厚尤何不永自持飄飄升九州橫厲越飛
泉與彼列仙儔豈放榮華子跬步相譏求
燁燁三秀芝煌煌冒九莖慶雲耀靈和日月垂
光精韜景玉山阿含采麗曾城芬芳彌六合誰
能掇其英思從沅湘游曠世垂令名
絕壑萬餘仞重陰翳曾岑仰視玄雲披俯聆神
龍吟潛光不見已誰能證其音截竹為吹之與
之相合并恨無知音賞空有越世心

讀貨殖傳七首

俞仲蔚先生集

卷之三

四

皓皓空宇中草木無餘榮淒淒屢空顛寒氣坐
自盈念當老會至徒沒非兩經古來言治生乃
有蓋世稱如何不深察終歲寡所營持此良自
恧清晨擁遙情

喧然古名都連亘彌八荒營營各異俗用竒取
富強壹志唯專誠馳逐萬死塲高門羅鼎食驂
豚若飛翔意氣還矜流目自生光豈知丘中
士縵縷鬱蘭芳超遙遺榮利詎以身自傷

秦王滅六國六復誅雄才牟利彈錙銖遂起懷

清臺數世擅丹穴一朝名譽開尊顯隆萬乘熙
熙競相猜豈不在立德貞姜徒草萊

刁間任奴虜卓騎何洋洋結交盡權貴起富傾
侯王掘塚事至姦曲射名六章成業各有基彼
獨處不減苟能懷仁義胡為厥糟糠茲事良已
久今日復何傷

程卓起遭虜鼓鑄稱善籌驕侈擬人君射獵恣
盤游孔氏在南陽交通徧諸侯靡容名公子權
利靡不收豪華傾當年營欲殊未休但恐委朝

俞仲蔚先生集

卷之三

五

七

露身名翳榛正

春鳩鳴原圃清剛扇冷風渚蒲抽新節園杏滋
舊叢及時事東作聊以希歲功四體六已勤衣
食恒弗克念此誠拙業秦陽遂稱雄人力苟可
希庶幾徇薄躬

白日垂光景臨照開八區五民驚古智千里互
相踰汎濫萬貨情悅仰若可趣動思彌日夜計
此非良圖宣尼有遺言貨殖焉足模不如守窮

蒼樞蹇滿整軀

詠史七首

廣野何軒軒，高計六精一。說拒強楚，再說下
齊城。曲周為漢相，隆貴由哲兄。奈何淮陰，譎禍
發身見。烹時哉，苟不會他人，傷我情。

伯陽適西關，魯連蹈東海。汎然寡歡愛，萬物莫
能采。清芬盈天壤，旦暮若相待。馳念空至今，顏
色日衰改。長恐年命促，隨時黯光彩。

梁王昔好士，天下所慕馳。鄒生乃擊獄，悟主多
悽詞。宮女三千人，一一妬蛾眉。高木自媒賊，斯

俞仲蔚先生集

卷之三

六

言良足悲

善賈能釣國，千金委沙塵。邯鄲獻名姬，功立身
亦尊。福過不掩禍，夷滅竟荒淫。唯有懸金書，乃
獨留至今。

煌煌褒衣子，相然立端誠。罄折趨利樞，仇怨一
朝生。豈若上世士，不為濡慈情。慷慨無外交，片
言成死生。至行侔大義，竟死還藏名。

賈生二十餘，六籍頗所通。少年遵勢路，抗議凌
諸公。咄嗟令讒疏，嚶嚶自傷冲。白日迫顏景，一

從豈再融龔願熙令名身沒垂無窮
壯士不遊死勢凌萬乘君婉婉屈廉公曾不有
其勳卑體存大計英聲被無垠哀哉食杞士斯
言安足聞

遊仙十首

獨玩縱闊步度世越九州東行按蓬萊西嬉歛
浮丘雲氣入無間虹蜺丹青流日月奄忽馳俯
仰成千秋直指帝者居樂哉清都遊通仙參差
來相與為匹儔要我絕冥外不可以久留

俞仲蔚先生集

卷之三

七

武

天地何長久人道一何迫超踰域中戀八表恣
所適輕舉登青雲倏忽行萬億乘蹻信絕徃安
用生羽翼九陽為我燭六炁為我食空同為我
廬太無為我宅與天長相保何懼歲月積

總轡金庭側改轍登閬風丹闕象三辰躩踞青
天中中有太虛士精意與天通摩弄日月珠乘
飈汎瑤空羽蓋紛上屬烟駕靄溶溶嘯咏大曆
篇妙說授韓眾一與若人過身命不可窮

玄流吐飛瀨玉梁秀千尋五芝成宮闕絳樹為

黃金璇室清霞氣上道無外侵紫微與九華偃
息玉山岑瓊蕊麗神阜琳腴暢靈襟精影儼雙
祭高唱飛鸞音聆音眇難酬感我冥中心

秦世有盧敖尋仙肯未逢銳意造玄闢自謂莫
與同忽與若士遇冥真異姿容軒軒迎風儼靈
變不可蹤一與盧敖言聳身入雲中汗漫九垓
外遐怪顏莫從教心竊自鄙撫已猶蛆蟲

矚眄小絃表振趾青嶂巔服食事聖師通德妙
三元道真非一宗冥轍無拘纏甯生食石腦但

俞仲蔚先生集

卷之三

八

儼紫烟間年光剪韭翁託體清冷澗抱一攝天
真委化致靈仙一躍太空顛道要不可言

遠游崐崙山崐崙一何高崐崙排霄起會見百
神朝肅肅上清駕真儀儼玄標五烟翼高蓋八
風扇飛輅香嬰紗玉嬪蘭音吐金蕭備從各異
色揚靈上招搖我願借此侶謁帝同逍遙

吾愛王子喬不貴儲宮居吹笙作鳳鳴好道遠
從師仙人浮丘公接上嵩高嶂學之三十年忽
欲還家辭相期緱山顛七月七日時翩翩御雲

鶴舉世願慕之儲宮豈不貴難以百年期
冥真有高踪一往不復還心期妙玄素曠然絕
鷲煩采藥歷三山尋仙度九門受傳餐霞秘蕊
妙不得言含道存精微專氣固靈根金膏粲虛
質乘光上飛翻神峙太清杪悠悠可處尊
眇眇赤松子飄飄隨風兩少女往追之冷然乃
雙舉簫史發精吹羸氏相容與超遊登鳳臺一
朝遂叅翥神感非有待冥期妙真侶蟬蛻遺垢
紛颺輪誰能沮惶惶世上士卓哉此二女

俞仲蔚先生集

卷之三

九

年

擬古二首

和璧天下寶傷哉獨淪譖秦趙何紛紛相如建
功祚呂尚老廢屠一朝曜天步傅叟何為者神
感發宵寤苟其當遇時奚在殉馳騫如何繁華
子悅巧從狹路蛾蚋赴蘭膏身死永不悟寥寥
宇宙內萬代可齊度安得附六翮逍遙排氛霧
俯仰窮四海豈肯戀細故

都邑聲利樞赫赫飛炎烟能鄙還相籠傾側不
及旋吹噓成薰灼玉石要俱捐迤邐操難固短

弱情易纏擬足無通途舉措懼厭愆飢寒迫窮
暮盡室事高瞻殉義寧願身為生誠獨歎事往
真偽顯清埃播來賢

黃鵠吟

黃鵠翔赤霄傲睨將焉如形大反為累舉翮觸
四隅鷓鴣又何微終歲守一區營營乃異任咸
各肖其軀萬化相陶蒸種繁類六殊安能遺形
骸道遠以遊娛

秋蘭吟

俞仲蔚先生集八卷之三
十
秋蘭被峻谷獨產含英奇采采自芬芳舉世無
人知豈伊蕭菌雜曾不為此移與世既殊倫奈
何久懷悲終然謝先伐虛名竟何為

桃源行

昔有武陵人捕魚谿水湄谿暖桃峯溪沿洄遂
忘疲所歷既已遠忽復值山崖初行路纔通密
然就平夷雲屋微千家桑竹蔭陂池隨山起阡
陌覽化測天時即事多古法歡歌自相追驚問
所向從競引還其私云先避秦亂窮奔躋險巖

始得此絕境與世遂長辭具諾與正理所聞皆
悅悲各復饋酒食數日方語離既出思故路念
言當復來安知峰巒轉竒蹤竟參差寥寥此中
人千載空自知

出塞

擊胡無生還此已非不知謂當棄一人所活十
萬餘中原有父母奮身靡敢私悠悠河陽橋生
死從此辭

入塞

俞仲蔚先生集入卷之三 十一 齊
落日射丘甸照國西南門窮冬還鄉邑較瘵頽
鬢疑下馬潛更衣駁犖箭鏃文妻孥盡下泣貫
酒叙涼濕勞苦但盡歡即恐亂日生

閒居二首

玄陰謝凋嚴青陽繁絲綉依依野田淨靄靄遠
山複川禽無響響澤蘭有餘馥朝雨鬱蒸霞精
氣團叢竹閒居窮物變廣隰竟春日恬然愜真
賞順道無營欲

壘壘運環周戚戚抱素心隨時感衆卉開芳及

陽林盛年之歡娛奄忽互顛侵豈無爵服玩固
窮竊所任逸情縱高翔道勝微在今

秋懷二首

商飈蕭天宇激志驚序換嘒嘒寒蛩鳴而無蟻
蝶亂珍簞蔭浮涼薄雲鑑幽慢淒清戒露鶴唳
暖候霜雁朗月翳高隅重昏詎能旦蘊結易云
久拙薄嬰世患秉此耿介懷無徒取妖玩
窮陰歲功徂羣生各歸成化蛭無遺耀浩浩玄
露零靜蹙固殊智萬途還復并大道廣且夷誰
俞仲蔚先生集卷之三十一
能揭其行適物自無可任意為今名彷彿至人
心翱翔恣太清人事多委曲安用常苦辛

秋懷一首

涼風金石勁悲氣吐隆烈晶宇蕩暄濁輕脆兢
摧折松柏有殊性遂與衆卉別是時陽鳥至叫
嘯霜中月力盡羽翼單欲奮不得發何以表天
骨沉吟猶未決

雜詩二首

霜蕪落秋鶻平澤游氣少鞭馬萬里原意輕干

金犛弓擗霹靂鳴箭作讖鴟
獸虎毛春草短牛乳馬
酒燥山溪伏獸吐地拔
天勢峭掾粟清撼撼
人徒靡精妙土銜野
火燒布坐盟喙倒羗
氏鳥獸散輜重絕古
道桓桓英雄人獵獵
昏長髭

其二

冬至羣物晦衰颯互相
尋雨露為霜雪而乃見
真心豪鷹搏空翔寒日
抱隴沉蕭蕭長天色盡
入西北陰烈士負奇骨
多為時所侵曾不悟銷

毀千載希知音

俞仲蔚先生集

卷之三

十三

銘

夏日園居三首

抱疾條已久彌廢人跡
諠中夏稍歆蒸聊復棲
林園赤鳥鳴始旦雨氣
冒中田綠池散葭莢鮮
颺潤微涓游日盡華滋
茲事已適然佳辰信為
美偃仰有餘閒

夏木盛繁陰時鳥聒晨
景兀傲青林中整與紛
紛屏古人雖云遠其事
差若近慰心良在茲靜
言莫余頌悠悠一世內
余駕將焉整

步游循舊基宿昔改平
常周垣已就窄流潦溢

中堂扶疎喬林樹况此復摧傷孟夏無脩陰樓
鳥失其方天運既遐漢何為獨彷徨

園居

窮居寡傳匹園廬有餘清落葉覆荒池疎林暎
高城野田刈穫盡霜畦蔬復登寒月無密影中
夜露氣凝是時鶯煩息沉思方入冥沉冥乃道
真一悟還自驚

雜詠

滅跡事冥棲脰脰送遠目原隰摘葺紫峰巒秀

俞仲蔚先生集

八卷之三

十四

驚綠淙流受後谿急澗傾前瀆泉清彩虹見巖
高白雲宿過物聊獨歡胡為自結束澹乎壺舟
意寧辭鄭生谷

甲子正月元日作

余年五十忽又過二天運遙邁不朦慨然

與世相淡泊五十倏再益初陽肇妍景藹藹欣
始覲朽株行當新余衰不復昔殷憂損志慮胡
能自滄滌託慕向千載所媿道不克悠悠世上
士常恐非余匹逝將離俗宜屏居在蓬室鄭生

何為者清芬播蠟石

題程汝義西野林園

程君家山中猶復歛鷲喧西行始百步弭覺野
性存薙草壅階基列屋開林園複嶺相窳篠灌
木自滋蕃疏石出清池記時溉花根徑紆初若
絕谷轉恍及門昂此唯一區居然棲隱淪松烟
寫綠字貝葉騰玄言助幽或鳴鳥感遠疑聞猿
晴氣成白雲皎潔蕩明軒事勝忽懷往千里難
并奔聊用托柔翰遙情何由敦

俞仲蔚先生集

卷之三

十五 武

七日大雪作

開歲多寒陰中夜轉淒冽遙遙澄曙揮空庭舞
飛雪氣滋地尚黑薄質易淪滅積久乃始成曜
然見竒潔長林開芳耀羣鳥相啁哳緬懷袁生
廬徑深行蹟絕茲事留餘賞當年詎非拙諒哉
松柏操豈為衆人設

感秋作

秋日氣候佳水木俱澄鮮長天開遠曙高樹吟
哀蟬半嶺度落日雲收衆峰偏天時觸情端一

形乃萬纏椿鵲難久恃况此塵中年悠悠感微
躬終與徂化遙

春晴行園

朝館絕衆紛延瞰極嶽嶇娟娟遠色淨杳杳人
摩舒餘霽聚溪竹寒塘戲春魚柔莢始含景芳
氣滿園廬聊停文墨間得遂冲想初息心謝時
哲寧辭上壑居

晚晴銘上

暑雨池上歇衍漾菰蒲清涼陰滿庭戶新雲依

俞仲蔚先生集

卷之三

十六時

樹生天風冷然來飄飄欣體輕始悟幽事愜彌
令茲意平

苦旱

昊天赫洪曜六合騰朱氣屯雲蕊隆崇湯風扇
焦塵乘春及徂暑炎亢彌十旬萬物涸濡潤光
采鬱已陳翕翕星氣繁夕虫恒及晨徒懷夸父
渴焉念沮溺勤陰陽失精和此理將誰論抱歎
中夜起託答難為因

晚晴

微雨洗炎熱廓然霽秋旻高雲輪囷來卷卷
葉新映空寫素壁萬仞無纖塵澹澹安夕流鮮
颺度輕蘋秀月復半嶺碧樹澄餘津陰處色尚
翳豁光猶逐人幽興在林杪遠近歸清真以言
獨往者茲意良已伸

早涼池上作

初日尚隱林宿藹猶未踈夏雲曉來清豁涼看
聚魚不異摩天將宛如鏡中虛澹澹竹陰遠稍
稍荷氣舒偶此恬遠度終念形品拘如何上世
俞仲蔚先生集卷之三
十七

淵

幽居即事

盛夏寡所適反與草木宜喬陰永日閒紅蕖平
岬披金房始舍碧欣此兩露奇湛然絕塵氣清
氣升夕池于焉暢靈府寧知曛日馳

閒情

青春倏已謝賴此晝刻長雜草摠新翠幽花分
異香繡螺列遐珍竒石間殊方林樗文本几蘭
帘澄素光古研滄黛色弱翰意所將久幽白雲

氣流悅透芬芳曾是覲世塵偃仰以樂康

雪中有懷昭文太史徵仲

玄冥啓殺節暮雪暗平蕪氣嚴汁液堅縈積彌
八區天地成純光浩蕩麤穢除心目驟開遠寄
身若空虛雖知凜冽侵志得豈願餘皎皎千載
士寤寐在高廬

新秋東郊遊眺

高齋散涼氣秋郊欣遐矚曠頰赴遙波清雲響
疎木日入會田作荒蹊鉏鉤斫孤村生夕烟新
命仲蔚先生集八卷之三 十八 閱
苔入鳴犢歸來無餘物山月亂簡牘

山中翫月

秋月多新光矧此舍露潔炯然出長漢氣淒芳
英絕離離晚葉翻攢幽不成結偶逢道林侶與
言多可悅背頰陰六開遙疑雪山雪緋徊向空
景意盡言復滅還思市朝內偏側尚羈紲

秋日江上

風緊涼意多氣腥歛膏澤洞庭增新瀾淮南到
秋色衆峰尚舍翠獨樹自翻赤盡日無雲束

水港千尺

己未中秋月食作

仲秋天宇峻氣歛涼藉歇萬里澄浮埃金樞運
圓月耿耿曙星沉淡淡長河沒疑暉舍白水露
皓霜華發徘徊曲房蘭膏坐揮忽誰言淪薄
食腫臃桂枝缺踟躕掩餘照翳翳陰氛蔽秀質
雖復滿即事將何悅以茲顏見心曠若青塵關
佇立端永嘉何時還可撥

養疾

俞仲蔚先生集

卷之三

十九

懷痾淹時序晨夕昧寤興寶書委素篋朱霞晃
踈標翠蘭日已抽綠葉滿階庭扶踈蔭涼滋久
覩青苔生神慮怯消散沉思杳冥冥賴茲金膏
術庶以駐頹齡

初夏雨中三十韻

溟溟積氣潤澹澹浮景戩泚泚騁高翔蜿蜿起
淺蟄河魚跳復沒礎龍蹲相泣仰窺天瓢傾俯
聆地籟翁絲散禁誰治矢下勁何急映昏沃漑
恣注壻潛溢漶縱瀉直繩懸斜透橫戈入陳根

烟灌漑冗葉恣菸菀增澆江湖寬高洗宇宙濕
烏號新膠解青蛇古鋒澀雲片草葶蒸水衣腥
膠緝壘渠時覘尖頽垣日思葺魏敦虞人期漢
羅陞郎三卜繆雲臺仗揆神灌壇邑嚙酒或聞
已彌天遂稱習南隴臥枯樺東菑聚臺笠蹠滑
支撐怯濡淳芑刺集投三值涸澆牽懷到舟楫
屈蠖方屢伸涸鮒期再吸蒹葭弱篠密營煥初
營燭沉窳無然灰漂麥有餘粒瓊蘆諒難貯桂
爐豈易拾旬頽添悽悽感滋悒悒邀歡盪幽
俞仲蔚先生集卷之三
十

點放言課齋給軋軋勿冥抽惕惕戒輕襲晶熒
走珠函靈無叩璫笈願竦義和轡顧使屏翳縈
川容捷清夷山貌覲遙岌開廓燿竒光倏忽燦
備限庶幾頌多稔無俾昏墊及

結客少年場

春風大道傍車馬自飛揚白首備意氣馳逐少
年場散金平臺下美酒多芬芳赤土磨劍卷陰
燄如雷霜竒功何時建撫膺坐自傷

王元美兄弟遊惠山次唐人韻三首以余

嘗至此山要与同賦輒有此作

氣暄嵐藹多連巒鬱青蒼幽壑應人語靈鍾解
曉堂靜窈天無風升雲自回翔遙遙帶長薄冉
冉延踈光空塘綠笋肥未摘舍茶香冷然得新
賞都令機事忘

停艫陟雲嶠還迴想幽人鑿石出古池乳竇消
滴新輕盈烟霞色日夕青磷磷汲引惠羣有消
此空中塵因之整雲裝矯跡凌蒼旻始知常世
外迴曠無比鄰

俞仲蔚先生集

八卷之三

廿一 宏

谿路到山盡山行隨溪樾始及青蓮宮香與人
世絕春燈畫烟烟綠焰猶未滅緬懷杉松夜烟
際浮海月窸窣鳴鐘初萬籟沉不發冀同息心
侶聊以謝歸轍

登銅井最高頂望太湖

五月辭人喧浮舟信沿洄連雨忽澄霽千崖洗
暮苔遂登銅井巔曠望無氛埃川豁波浩浩雲
卷天地開飛流灑空中長飈游鷺雷却顧西落
日松聲暝猿哀於此若可憇撫景相徘徊

自京口渡揚子至瓜州還登金山瞻眺一首

歛轡京峴首榮景浮玉阿俯瞰維揚遠瞻洞
庭波洄洄帶長川漩深起嵯峨烟開鴻濛秀雲
吐嶙峋華瓊竇閔靈泉潭壑潛龜鼉仙臺象天
捕旁眺洞九遐海氣蒸神光青焦鬱駢羅戩風
嬉水怪飛艦乘空過因得空中觀混萬齊一科
願眇正垠內鷲穢樓塵涯短計苦自信近情良
易多悔不早從山縱身躡清霞

俞仲蔚先生集

卷之三

廿二

題黃鶴樓詩寄長興徐按察子與

昔聞茲樓峻飛甍麗城閣仙事久蕪絕江流空
自紆旁矚俯漢沔同覽辨荆巫浩汗積氣中恍
若淪壺無想像臨眺美唯應人境殊徐侯卓才
傑訟平多歎譽於焉葺頽圯百榭矜扶疏欲暢
萬古歡邀我以游娛逶迤踞俯迴恨無雙飛鳧
矯首白雲外遙心落天隅

龍日與周公瑕張師文兄弟登馬鞍山作

凜秋欣良邁尋山陟曾巔置酒展遐覽周壤藪

窮天列嶽棲暝色黯黯趨平田初月遽隱見清
謐崕石娟光迴露始繁皓氣匝長烟俯視衆形
泯昏夢猶術阡念當須臾還與彼相周旋始知
上世士果得謝所牽持此感蓮心庶以神理詮
遊聖像寺作

野寺始獨到新晴欣夢涼芳篠青叢叢竹陰覆
房廊寒棕剪高翠過雨桐花香川梁通煥景林
殿疏夕陽耳目暫清暇都将塵垢忘何時來永
棲放跡無何鄉

俞仲蔚先生集入卷之三

廿三

關

玉女潭

昔聞有神女于此駐精魄神女去已久誰辨烟
霧點蒼然兩崕詔下削瞰峇峇際頂松蘿高陰
竇注寒液潛流澹若定萬古澄黛色竒氣入襟
懷遂與人事隔飄飄塵中想乃假外見釋始知
神人居不獨在幽曠

登毗盧閣

古閣秋氣清千里滅烟霧連山開雲秀頽城斷
行路殘僧戍荒齋寒烏落高榭中多故人情停

杯日空暮

楞伽山中訪殷秀才讀書處

昔游楞伽山山殿樓白雲平湖霽松頂波浪相
氤氳竹陰晝更寂五月無炎氛殷君信英雋
然離人羣讀書此中隱遂能奏竒文始知勝氣
集他人安足云余時同游彥恒忌西日曛登艦
泛迴川孤賞徒懸艱矧茲日蕪穢不能自鋤耘
焉得復携手矯趾遺世紛

贈荆谿老人一首

俞仲蔚先生集

卷之二

廿四

荆谿之山鈎綿連連西南馳越道不絕水有
九谿東浸太湖臨谿之山又猥積重複晝夜
與雲風浮沉巖壑倏自為變山亦臨谿水始
盡夾谿樹影落谿水中水皆黛色如画即所
謂畫画谿者也谿上平處亦與絕散居數百
家宜隱淪者之所居孫君頃為荆谿之游止
谿上邂逅老人禮君甚厚老人有二子盡淳
樸無世俗氣抑亦隱淪者之儔耶今累歲寇
亂數郡震惶而荆谿獨僻處湖山之隈尚復

晏然信宜隱淪者之所居昔蘇子瞻常欲買
田陽羨以為嘉遯之所良有以哉孫君請余
為詩以貽老人遂喜而述之

荆谿山水溪路絕多不通主人荆谿老野性無
塵容山田自耕作結廬並雙峰引泉常幾山入
雲每千重茶氣嵐霏新酒香松乳濃子孫盡淳
樸似違世上踪孫君有逸興遂得諧心胃累日
始得歸勝事欣自逢我欲偕此侶願言而莫從
何時移家去相邀乘白龍

俞仲蔚先生集

卷之二

廿五

宏

贈大雲英上人

開士道林秀敏妙通惠性精廬住平壤宛如山
林靜迴谿將百盃始得入幽徑龍鱗松龕古石
塔蓮花並渺然滄浪天祥照有虛暎動搖叅羣
象重影森萬鏡自愛臨汎美日見心慮淨道成
向何年吾其學禪定

送陸山人之上都謁王中丞

志士懷慳惚容髮苦見侵敕衣日蕪穢抱劒中
夜吟古劒無文章精氣惟寒陰慷慨攬長轡結

託將遠尋張儀猶有舌范雎豈無心君家橐中
裝嘗賣千黃金得勢在倉卒昔賤今所欽王公
命代豪長榮制妖祲親承 聖主顧幕下無陸
沉珠玉誠所希何懼山澤深諒蒙知音賞開此
平生襟

送內兄梁石仲之任平陽將遊天台

昔時梁伯鸞避世兼避名如何天地間其名至
今稱夫子實繼作超然千古情皓首一微官家
事都不營玄談等窠廓每為人所驚虛教方自

俞仲蔚先生集

卷之三

廿六

鄒章亥所未經况乃向天台鶴駕隨烟升銀流
界翠巘金霞標赤城落落松蓋高嫋嫋雲蘿輕
淹留餌芝朶想與神人并天路儻相邀庶足慰
平生

送郟太守王公擢常鎮兵備副使

自昔漢西京應載二百餘六臣最稱良並為後
代模文翁治蜀郟衆中功獨殊蜀人初陋辟在
土惟外區翁能好文雅化為郟魯居公來艱難
際盜賊縱橫驅霖潦浩鴻流黔首胥為魚公有

理亂思煦嫗春陽舒矧復樹芳蘭吹靈使紛敷
願此殘悴質違方日疏蕪幸會侍光塵遽叨清
讌娛酌言浮芳醕廓若開昏愚何意重陰澤普
洽盈彫枯德心諒弘濟與古能同符永期仁化
濡忽焉戒征車高蹤邈難企繼緒情彌紆俯身
戀所欽致感非一途慷慨中夜起盡言豈在書
冀願齊羣龍凌厲升天衢

送海虞熊學諭歸將樂

疲繭無希世幽期藉巖穴委懷受天損永希古
俞仲蔚先生集八卷之三
廿七
久節舊畦六云蕪何獨靚時哲言經闡國華敷
教隆海澨唯然開大分遂迴長者轍清義遺淳
沉靜對塵絲閱舍情方在茲恒若飢與渴側聞
嘉遜賢抽簪謝羈紲孤願良未展忽此媿將別
晤言復何期遙懷徒愴結

送郝太守西蜀王公廷入覲分得辟疆園

辟疆古名園坵石紛嘉木還同金谷賞朱輪蔭
綠竹森窳已千載舊踪緬遐矚長烟隱接豹荒
塗駭奔鹿復此得幽尋賞廢鑿前昂騰彼行春

侶遲茲高世躅

送葉伯宣會試上都

歲晏恒霜雪白日
醫曾氛陰臯慘
停寒凝耀曠
彌自野無繁枝
葉蕭條見行人
馬肥鬃鬣齊壯
士候氣新念子
日行邁騫飛候
陽春朝臨堅冰
川暮宿無昵親
豈不懷苦辛厚
願良已伸傾耳
日近佇無為聞
音塵

送梁伯龍遊楚并寄周水部一首并序

伯龍素有奇分千里之遊若在足下明日告

俞仲蔚先生集

八卷之三

廿八

我汎鄂渚下漢沔訪懷襄于高唐平屈宋于
澧浦以為異于古之左遷豈不快哉然楚人
多哀復此秋晏君其奈何歸必挾膝語以廣
我異聞坐我于崇蘭芳杜間也

浮舟入楚色浩蕩千里豁况值清纔時逸興不
可遏雲來巫峽長木裏洞庭濶故人渺何許引
領向天末

送顧子韶比部歸上都二首

南國日滔蕩川梁浩無津常恐地勢傾于何托

斯民水盛陰氣壯慘慘傷我神處身一何危擬
足不獲伸用懷我良友婉戀平生親誰知非儔
匹去我若颺塵

良友實慰心予今豈儔倫灑然靜恬漠門無翟
公宿時蒙枉空廬雙情韻芳蓀晤言六纒繆亮
此非虛親別後古所歎奚獨在茲晨但願熙弘
業嘉譽隆日新

送張伯超兄弟游南都

黃馭必千里致用豈待飾神俊各異姿俱無風

俞仲蔚先生集卷之三 廿九 其

塵色君家芳棣萼美譽耀俞艷連翾富文藻高
翔任風力藹藹都邑游冠蓋相追逼餘光灼徑
路遠近企清則伊余方惰勞歎睇寄遙昵徘徊
矜芳訊無使居情抑

送陸水部子傳北上

玄冬固重陰雪色猶月色風吹長河靜天寒夜
光黑困獸伏川梁壯士奮皇國文采洽沃若美
酒適千石送子萬里客日暮憂思積願睇臨曾
阿連翾馳西北

送周天球應辟赴嘉定教授

和澤周四野萬物因時資春翹舒陽彩雕鵠翔
雲嬉我獨抱淪沒戢翼不得施周君盛才彥藻
思含英竒欣承柏臺寵以誨遵海沂茂宰隆虛
已羣公仰令儀及此深情矜信宿次河湄久念
良已傾且復敦前期與君既綢繆不知心所違
願言體貞素流俗將見移

送王明善

王明善屢試不合嘗鬱鬱不樂遂以乙卯六
月北轅朔都以展所畜積且將復觀塞垣求
古興衰之所由余謂以彼其才而偃蹇若此
則雖君山放逐亭伯流離珠未足增其憤懣
也因寓于詞以述乖離之思云爾

威鳳集珍條積風限高翔巨鯨志江海尺澤焉
足量懿茲中林士敷文聊頡頑塊然寡徒偶舉
足蹈峻防伸眉竟何階念之鬱中腸抑我同心
歡乖離越他鄉他鄉三千里道狹草木長白露
浩已盈但恐雷衣裳慷慨睇遐軌尺牘安能詳

送梁石仲遊金陵

廩秋多奇思清雲颺層颺高樹蔭浮涼蟋蟀鳴
前除撫壯聊竄端稚節念已移愠愉慕同趨仇
別忽在斯寶駿飲靈潮麈駕弭郊岐南遊頓雙
闌北顧瞻太儀過蒙賞心會玄冕生妍姿積久
亮愈宣郢握豈獨私顏言篤情素申章代五絲
行矣茂芳敵遠蒸潛山藜

送丁道卿赴辟

大火澄金氣皓魄吐芳枝宵蟲篤時吟札札恒

俞仲蔚先生集

八卷之三

卅一齊

若悲使我不能寐徘徊以增思力田希逢年終
歲敲告飢羣愚塞衢路獨悟焉所施對觴成睽
索言出而志違性盛失歡娛老去難逐追諒自
用身拙此復當語誰思念我友生風駕事驅馳
秋蘭委衆草芳蕤絕世奇此珎可比玉珠恐非
時姿遼遠涉千里中夜永念之千里豈云遠所
貴心相知冀願將其英佩服揚芳蕤願言無終
極用各勉令規

贈穉禮部太公

太公魏人以子文
熙貴封禮部郎中

寥寥石給事雅志存大計昌言忤禍端天刑劇
危斃予生交情盡莫敢迫相睜積候一曹郎挺
身艱難際扶劄起血肉蒞槩折羣勢藥餌隨所
止分金重周衛太公曹郎親時來吐深契義聲
兼慰藉如天掃氛翳命予竟投綬共輸東臯稅
惟時東宮恩方覃馳封劄公心弥感激器達曾
不沉脫厄詎辭禱求仁匪營利父子同風期似
若有根柢王君述公賢謂世莫能繼要余共張
引胡能復停綴盛德天所祐頌聲日迢遞願享
無疆休終南北年歲

劉光祿

浩渺極楚望嵒天浹坤維豈惟壯險分實以鍾
英奇材教厲清則屈平導壞詞元侯暢神謨龐
公甘隱棲高軌各異轍斯人邈難追光祿千載
後來風振芳蕤燦燦隆國華結綬升皇闈令德
既以劄庶績亦弘施長譽被京邑玄冕生妍姿
蘄營非所慕鑒替在良時遠蹟要路津味適存
精微盛藻煥辭條撫化究心期安知囂埃內靜

已還自怡猥余迫窮節蹇步局故蹊永懷欽賢
性怵惕中獨馳慨彼憔悴顏終然阻光儀援翰
忽蕪累情素何由披席同握蘭者聊以遺所思

董中丞

大廈構殊材珎棗萃豐腋濟川須巨艦搏風必
脩翮曠代成茂業光替在鴻碩董公實 皇佐
河岳孕明德榮之清憲臺謬刺竒憲埋輪肅
吳甸凜凜冰霜質白簡書不渝朱絲繩自直放
崇蒼珮班飛聲動 宸極揚旌弭江徼坐使萑

俞仲蔚光三集人卷之三

卅三

辨

符息蔗蒸既已施蕪穢焉能植將偕伊衡輔遂
齊山甫趾卓犖邦國楨配古作良弼緬惟藜藿
賤蒼塗棲叢棘豈不企高踪出處各有適流目
瞰沉鱗矯首睇翔翼踟躕懷顧慕抱影中自惕
年志倏已闌何由蕩幽默歎誠眇不達想像空
佇立

積雪凝寒

大雪覆萬物天地始皓潔蒼蒼三光韜壯氣固
窮節山寒困獸窘野曠人跡滅獨有幽棲士抗

志在曠官不知黃竹苦但覺丹爐熱孤鶴出奇
標無復自分別逸情與野性于此尤更絕却嘲
東郭生市中呈履缺

送王太僕

初陽吐和景曾輝開夕陰倏禽哢新條感我慕
類心伊人江南美翹跼冠人林觀書獵餘絢振
藻發奇音芳聲既氛氲初理六深湛寄賞雲霄
外清風澄素襟于焉翔上郡判袂方在今良談
戀遙夕蘭卮時共斟余方迫頽暮離思悵難任
俞仲蔚先生集 卷之三 卅四

相尋後令戶庭內懷痾憶所欽

文休承臨趙子昂水村圖

連村蒼藹中緬邈迷行蹊葭汀出長浦柳岬澄
迴豁遙岑若浮空孤舟來向西北此中事田作時
嘗及春犁彷彿蒼雲間咫尺無端倪還思避世
者於此宜溪樓

吳郡太守永康徐公祠堂詩

文公化蜀郡名父蒞九江遺烈播清謠躡躡垂

令章惟公茂俊德曠代齊紛芳朱軒耀黃扉英
風自遐揚武王昔南狩行行至吳疆公尤攄顯
畫翠華竟回翔既施極溺仁兼使國步康盛德
著明祚貽則用無忘竭未有聞孫昭執遵舊邦
寬和浹民譽衆美咸昭光永言表遺愛抽毫頌
甘棠

春色丞何侯遺碎蘭花一首

邑丞贛州何侯有孟蘭自其地移置解舍扶
疏如樹四五月開花甚花細瓣黃色名曰碎

俞仲蔚先生集

卷之三

卅五

蘭芬馥郁烈即一花置懷袖間能經日不歇
余聞而異之錢伯昭輒以言候候欣然遣書
致予而不惜其千里提携之煩侯固良吏而
有奇懷者也予喜甚因牽犂數韻奉謝兼簡
伯昭

何侯古良吏好文兼好奇孟蘭得異種千里遠
致之日對藍田廳溉使生榮滋片言遂相合欣
然狂相遺田田綴綠葉葉垂青枝叢芽漸相
心似與地氣宜云當四五月即是花開時一花

自成芳十步無乏姿楚賦竟誰辨漢薦曾莫窺
雖余未有覲中心良已怡還將紉雜佩從風泛
輕帷常慙委微霜終歲自保持申命同懷友共
結後年期

貽周夢山一首

炎月煩翳蒼翠棲喧短翮流日暢悄想締墨候
已積芳茶鬱春華清言吐蘭澤屢蒙故人書庶
用娛晨夕冲漠余所希同心曠乘覲淪落非世
惠放神以自適劉公曰沉飲深衷豈外惜

俞仲蔚先生集

卷之三

卅六

贈集雲寺性公

吾師南宗秀禪慧森寶相棲心滅板綠開流綯
玆藏跡跌祇園內通照室王上靈芽醇霜雪精
心剝熏蕩華鉢窺野鶴香臺伏狂象長廊松杉
靜天宮鬱相望伊予滯迷方有覲投雲狀服倫
世諦苦纏縛魔心壯標割資膝因恭承指疑謗
更禮耆婆天永拔示超曠

画草蟲

沉沉夏溪陰玲瓏秀瑕石平荷圓溜滿弱藻含

風側暖蝶熏奇芬晴蛙泳清溢幽閒自得性
象于此得方知猜疑盡靜對皆玄默

登馬鞍山次孟東野張丞吉韻

古寺畫陰窈綠蘿覆繩床天影下清霽松音落
空香遠樹多暮色幽泉有深光持此積喧意未
訪道遙場日出照元氣泱泱湖海吞濛濛松蘿
頂杳杳烟霧根獨鳥鳴絕壁霽鍾延遠村逶迤
青蓮宮白雲初出門

荅王郎中元美三首

俞仲蔚先生集

卷之三

卅七言

良時道明哲能令羣望傾奕世躡高位九牧咸
見稱喜招及韶年駿足隨雲升方駕趣虞龍藉
藉揚僂聲言論汰流議詞賦鄙朝榮貽我以紗
詩燁若掞天庭何況薦高義慷慨有遺情瑤璫
久乃宣和氏徒營營倉卒良未展蓄寶光彌呈
並韻在一時安知後世名

涼風忽然至爽籟中夜作仰視明河翻皓月吐
崕崿徘徊澹虛景鴻雁翔窠廓念子若故歡良
晤欣有託寫心出誠素腆贈非所惜要我以遊

居中更增睽索况復伸別詞遵塗驚玄朔歡
未易畢長夜詎云博聚散成衰榮由來誰能度
茫茫大鈞化何從有厚薄子其知爾續余歸醫
負廓

崇蘭生幽澗擁潔自推藏玉樹疎卉尋傾枝媚
朝陽萬物貴得性託體各有常奚必同根株然
後揚芬芳藜藿非世珍何子反見臧大道無拘
留貴賤寧易方形骸苟可遺予心安誰將當令
千載上與子相翱翔

俞仲蔚先生集

卷之三

廿八

陳公儲畫龍水圖

古來畫龍者誰能得其真吳懷與僧繇下筆最
有神徃徃合變化超騰奮無垠噫嘻至神物瑰
異詎可親如何筆蹟間直與真龍均始知画師
妙不在甲與鱗公儲心獨精此圖世所珍出沒
蕩雲海伏蟠隨屈伸反從意匠外倏使烟靄新
披圖六月寒洶洶勢欲振劉董胡誕妄終日纏
其身請君看此圖其性終難馴

少林僧徒一百二十人赴義討賊軍渡海

上不屬諸道帥聞而壯之遂賦此作

吾觀頭陀行髡髮窮山崖還收骨肉愛薰染熊
羆牙奈何懷憤激嘯叱騰洪波生犀金覆腦長
茅左右又寫子開寶月雄龜生蓮花據鞍大道
傍四面咸咨嗟秘開九地法義盡五天魔寧隨
霍嫖姚未遂孝輕車功成不足多等世恒河沙
由來快烈州可以棲楞伽

贈龔溫淵

龔侯有奇度耿介絕鷲塵躋身清憲臺謹言實

俞仲蔚先生集

卷之三

卅九

敷陳及茲鎮南服理化在還淳政成日豐豫高
情憩山雲興文若春華曄曄皆抽新雋聲叢前
胤遠韻隨風振伊昔家豫章桑柘藹千春竭來
事薄游遵處濮陽津歲月邈已邁欲歸悵無日
永言戀故都徙倚不及申緬惟登樓作信美豈
虛親願言寄斯章聊用慰殷勤

送如顛上人南遊將謁龔太守

遠公住廬山持律稱最精至今千餘載能令衆
心傾要非自矜潔嚴照淪重冥如顛信本辨及

茲方妙齡反欲長毛髮食肉希華纓南遊于諸
侯合掌趣逢迎永違清涼區以與煩穢并豈伊
示權化靜躁無殊形顏子極抖擻無生未來情
嗟余昧止泊方思啓真乘何由除偽寶食微契
無生

吞同水部胤呂

廓落無與歡忽忽日云至勁飈掃空林積雪在
平地湯湯大雪集淒淒失羣媚曠野多嚴氣高
原起豪鷲馳思日千里思我同懷士出處理既

俞仲蔚先生集卷之三

四十

歲

睽契闊思彌熾貽詩六殊調臨組若黥劓善官
諒所敦違方餘無躋豈不貴漢識臨風有餘慨
伊餘淪浚谷年志互摧悴感于惟良知精誠貫
宵寐恨無凌霄羽終然莫余致徽音尚不嗣徘徊將焉遲

陸光祿卜居

卜居依人境默默中自操竒心絕近情披文竟
清朝時無劉鑿賞虛室恒寥寨逍遙有餘聞薄
言遊迤郊荒楚翳峯頽槁葉擁寒條冉冉雲景

除天空氣澄高適已非外獎晤言寄清謠所尚
諫莫儔獨往何必招

送曹巽學赴上都

威鳳昔來儀和樂光君臨何其久不至攬涕傷
顏侵仲秋鴻雁賓草木發哀音我友邁朔都整
駕越河陰日夕望京闈四蹄逝駸駸遭時在斯
須良過值來令蘭珪辭垢土譽重千金愧我
蓬室賤同枝乃異尋伸眉謝知己援筆為長吟

飲周鳳來園亭

人前蔚先生集卷之三 四一 齊
嘉辰愜同志邀我于中園塵慮欣暫遺清言忘
景淪高風落庭槐寒鳥池上喧遙遙晚色靜淒
淒荒藹繁氣變寧自持歡來不重臻况迺逢世
難禍患恒在顏復此戀佳賞既歸意弥敦

貽徐道潛并序

自頃寇亂徐道潛避居秣陵徐氏園亭貽書
要余云其居出長于數里得方山山有洞名
金明相傳與華陽相通頗饒靈異可以棲隱
又謂余不能全身遠害如管幼安者余嘉其

言甚有高蹈之旨而恨不能從焉因賦此作
卷之

伊昔逢世難念子實周旋息心追達生竄身復
棲山要我以偕隱藻蔚攄妙言金明與華陽玉
洞相鈎連中多金琅玕服之可長年其烏有殊
響泠泠韻幽泉懷此信靈異庶足事潛盤恨無
管生操重稅遼東田與子當睽索瞻塗邈雲烟
挽歌

生時青玉體靡靡籍蘭芳姿容為肥澤雄志結

俞仲蔚先生集

卷之三

四二

中腸一旦精氣盡筋骨反堅強飄飄吹我靈無
復御案糧處我于高冢猛獸同穴歲土脉浮不
實膏液漬嚴霜豈在歲月多然後歎淪忘

贈劉生

蕭蕭古夷門膏聞抱關隱于今幾千載能使風
義振劉生後束秀襟期忽相準結託釋榮吝高
談藉芳醞良為賞心客疏縱何由近

贈陳山人

吾聞潁陽高嘯歌放巖石遙跼澹虛景斯名何

由得道之彌宇宙識訕隨以積君獨訪五藥韓
康與比蹟荷挿人參香腰鑷苔蘚色枕中貯精
方發論辨經脉君真有妙理為余駐裏夕

頤方伯西園宴集一首

玄象忽改律萬物浸徂遷林廬捷清曠崇臺俯
芊眠窮遠睇曾嶺近矚趨下田時菊尚餘絢肅
肅晨颺鮮哲人解其感遠託絕世牽招要命同
志為歡究當年陳醴發醴芬逸爵竟長筵綿綿
暢其真悟對皆款然飲德良已極薄暮方言旋
俞仲蔚先生集八卷之三 四三一 肆
季月媚初景登艫沉迴川頤循慚菲質及茲荷
采甄何以酬嘉會會詞諒難宣

送內兄梁參軍南仲

吾兄實名胄結髮攻雕詞吐齒有餘絢璀璨無
瑕底每于叢人處獨見清廟姿才情無乏源雋
譽終四馳計日收甲科赤霄共逶迤柰何人間
事跬步生參差音文隔衆目襍禰秘難窺梓抑
不獲伸天路成多岐補官落南徼經塗歷浮危
淪漂饒水宿羈棲多野炊貫窠白雲嶠劑制玄

猿杖入谷霧黯黯出樹花披披氣喧不潛蟄臘
盡無流漸其民少文章反着烏獸皮豈不在沃
產當時益羈縻君多幕中才僚吏咸見禪好古
懷馬伏尋幽陟難祠薄宦非左遷抱能久未施
又使職貢獻萬里爭嶮巖高馱千黃金遠遠走
京師支離日月荒仡仡劬骨罷天子不見省歸
來鬢蓬茨厚謗消蕙苴輕裝謝未提高懷滅城
府大觀齊偶竒向千身既輕充腸易為資恬然
恣真賞心蹟不復疑矣必玄圃遊神界方在茲
俞仲蔚先生集八卷之三 四四

屈卮

荅王郎中元美

浩浩金氣肅稍覺喧繁收瞻彼窳廓間茫茫馬
所投茲實兼上腹奔鯨駭洪流虧血無完士僵
死翳榛止亂離既云瘼日見戈矛稠微命諒如
絲旦夕鮮克謀疇能不傷冲而以攄百憂緬維
上世士高翔邈雲浮竒蹤秋莫窺一往不暫留
念此豈不偉舉巨空夷猶鬢變良以早劬刷還

相讐惻惻含酸悽中情詎能抽頽言寄深識來
章儻相謝

寄上劉尚書

璿玉經天步本自岳瀆珞烟然無氛雜七政咸
相循公實濟代賢豈不與之均卓犖大庭議翕
赫臯夔鄰復睹風雅作清機妙無因浮雲為詭
卷峻節靡縈磷白首臥松雪丹心映麒麟巨海
攏百川四面乘英賓宛轉生人表向下看埃塵
澗唇龍氣竒岷口虎蹟新燁燁齋房芝三秀彌
俞仲蔚先生集卷之三 四五

冬春安知台國賞反在潁水濱真德既已殊匪
伊常情親予焉佇芬芳握蘭徒自勤

題伏生授書圖

并序

余按班固書始皇帝燔燒詩書六學缺然求
能治尚書者天下已有獨有濟南伏生乃詔
掌故鼂錯往受之時生年已九十餘不能正
言至使其女傳言教錯今觀此圖皓首踞坐
者即生也懸書杖端侍側者其女也勤禮而
面坐者錯也斯善画者可謂能盡其態矣然

生壁中藏書已數十篇僅得二十九篇而齊人語多與潁川異錯所不知者凡十二三而歐陽永叔又言徐福入海時尚未焚書日本至宋時猶有遺書百篇禁令不得傳至中國嗟乎先王之大典放失殘缺事蹟委曲若此而夷貊乃能獨存而不廢為之慨然遂題其圖之首

始皇燔書後六學咸缺然獨有濟南生藏書三十篇當其孝又世詔錯往受焉生老言六訛至俞仲蔚先生集卷之三 四六其
令其女傳渾渾與噩噩吁嗟一何艱婉變展新圖若見千載前善画苟如此奚在丹青妍

書李唐画采薇圖後

惟昔夷與齊畢命隆義聲長嘯孤頰頭飛芳振蘭蘅傾筐停瓊霏憫默薇蕨情冥游超玄跡卉木有餘清李唐稱善画溪心寄廡貞豈惟粉墨殊真使頑懦懲炯然珎圖上空林肅遺形灑筆佇遐軌千載希令名

貽元美

玄冬多枯林遼索山澤居終風相回薄慘慘意
不舒衷痾日相侵戰慄還復癯常恐形神沮曠
然歸空無用懷我良友翔翔于上都清義著來
今羣士所慕趨自我同携手已復三載餘亂象
已迫終懼不克俱悠悠良晨往念之增鬱紆
何以寫遙懷辭綽意未敷

送許明府之蕭山

芳辰展良觀曠景麗晴皋綠英結遠藹河柳散
榮條送子遵路衢遲侯睇征塵蕭蕭戒晨旅理

俞仲蔚先生集

卷之三

四七

仁

棹泛流潮逕湍既紆餘連頽復昭曉雲烟信緬
邀蹟通心實遠豈必楸繁英足使令名勿俗化
由純約政成在不佞何以慰窳蕞踴佇清語

送周水部胤昌還上都并序

蜀漢泣隴之山多竹木之饒其民每歲剝伐
候水潦出之蔽江而下者以億萬計故行賈
編郡國贏得多至什倍國家置關荊州權之
周水部胤昌徃蒞其事踰年甚有聲稱卒使
豪戚斂跡事竣還都道經于家適阻寇亂戒

車未發復得小展談讌念今寇亂益熾後期
難要因贈詩一篇送之

懿子實鴻軒雋聲惟高揭燭來返南服虛舟信
超越折麻唁湘纍九陽徒晞髮浩浩極望撫
化無厭歌河山自神營日月互興沒賞心亮已
遇外物誠可忽况乃遺沉浮淑貺仍所闕時屯
無夷孰戒車未能發復得展談讌暫阻河陽別
恨余日衰痾寧能謝先伐善茲儻存故庶幾慰
寐茂

俞仲蔚先生集

卷之三

四八

送吳山人志道往閩中謁汪中丞

閩山插天起谿聲頽猿長萬里度雲壑兩岬迴
清光山胡啼綠烟春風紫蘭香五月荔枝熟丹
房芭玉採人家嵐靄中琬盤薦檳榔此地昔稱
美化為荆棘場汪公擁貔虎揮戈掃天狼俗美
還舊觀英聲震遐方開幕納羣士世人比蓋貴
君行託大賢頌德揚芬芳况復入佳境所志無
不當還翮香雞尋返領聊相望誰憐張仲蔚蒿

蓬獨摧葳

贈休寧程汝玉

程君性恬快，所至能緯居。邑里多英賢，揆次遂成書。頗復購竒石，巖礎列庭除。石根九節蒲，冬春自扶疏。可慨復可食，翠色新雨餘。何能訪君家，與此相躊躇。

贈林上人

上人天機秀，諸法了自別。雖行黃塵中，素心皎白月。空林響秋籟，淒寂忘言說。聊因啓真采，求入無生滅。

俞仲蔚先生集

八卷之三

四九

送汪禹人還新安

良友千里至，高韻超平常。持我篋中賦，一一為平章。新詩又何佳，可以奪蘭芳。各言惜晚值，談晤傾曦陽。八月尚炎蒸，垢汗如泥濘。披襟散冲想，竟日皆清涼。始信蓬蒿棲，意得自徜徉。眷然俛言別，斯史仍異方。同懷難久淹，後期未渠央。臨流換烟景，引領睇歸艎。

太原太守於侯德政詩

太原古晉墟，河山信隈隩。險塞自天啓，襟帶窮

要服實唯地所固伯蹟相薰逐矧復連歲飢萬
姓空杼軸雀符彌游侶商賈無停轂渤海方亂
繩所期在良牧於戾人倫俊茲焉剖符竹仁聲
翔首塗聰麗通遠矚亂繩日以理招徠及流族
閭閻稀夜祈疇壑多春犢奚藉里端訓能以澆
還樸民俗既安瀾倉困有遺畜至哉中和化千
載幸見復睢野感祥雉扶輪擾馴鹿愧乏資中
木承風播餘韻

河陽溫侍御平寇詩

俞仲蔚先生集

卷之三

五十一

層氣升喬空吳嶠獨不開溟漲既泛濫妖鯁六
曝鯁時無幄中画樓船屢徘徊伊昔荷休命神
畧攄上才赫赫整精銳揮戈役風雷素甲耀雲
日列校奉成規鼓楫凌遠山維綃屆荒坵虎賁
也七萃魚麗盡六奇天網諒宥已梟孽焉足綏
生俘遠近遞皇道日清夷弭箠息徒旅飲至延
偏裨昔往傷采薇今來樂時熙曷業倏以建雄
名安可追揆予愧薄劣牽率敷斯辭

有懷徐汝寧

汝寧為郡治行甚高而大度不開於時竟為
抑歎嘗邀我以二室之遊亦遂中阻計旬日
可至吳門久違不至悵然有作

君昔負奇氣高聲馳建安賦詩特先賞四海交

清權

汝寧與濟南李攀龍廣陵宗臣荆楚吳國
倫吳郡王世貞初同官京師並為詩評以

先更事汝寧于時最先為刑部尚書顧
公應祥所賞名重海內王嘗為余言之願予雖

淪躓投分踰芳蘭開懷結綢繆直置瞻與肝密

念屬千里要以相游盍筮徒寒暄問方當振摧

殘如何中睽阻倏忽興悲端知音諒已稀寶瑟

俞仲蔚先生集

卷之二

五一 葬

漸空彈日夕佇光景彷徨使我嘆

贛州康處士草亭

高居出事外孤亭朝藹中細草蔚佳色應亂隨
春風映階連古苔盡日青叢叢此中饒幽意冲
賞莫與同懸知蔣生徑獨有求羊踪

王元美離薈園

芳園蔭通衢落落無停轂雖非巖穴與細烏在
後谷綠竹帶清川標雲秀琢木蕙畝藻神霧蘭
林泛鮮旭無風自芬芳茂彼薈與藁達人有遐

度所尚惟浚穉稱心何必多即事遺飭朴良辰
欣時往聊以舒煩促引領日東驚何由託余足

阻雨夜宿盤門石橋西

我行值春暮遙山多綠苔濛濛日氣蒸亭午雲
不開夾河柳色暗白雨湖上棗暝投石橋宿疾
心忽如摧故人屢相期悵望空悠哉

蘼姬篇

美人綠窓裏啞啞含春賦春風忽飄至但聞妍

笑三紗芬泛裙裾嬌態關芙蓉年纔十五六未

俞仲蔚先生集

卷之二

五二

與世人通可憐少年芳珠勒桃花驄意羞黃金
賤第言心性同婉孌有餘情密得常相從相從
高樓夜度曲入雲中曲終應若為乍疑天上逢
詎知宵漏歇日能象林東

雜詩二首

暮序迫窮晏疾飈嚮蟻空林伏晦色散湯愁
雲寒層冰隨陰結氣勁浮景單淒淒苦心薦諷
諷華志殘廣隄有屯靄涸澗無縈瀾常恐霏霏
集無以足朝食既秉遺物情邈然竟誰干

初秋氣候佳懷新赴脩薄邈迴自俄頃參錯變
嶽嶠飛流灑青天穹窅映丹壑竦竦既迷密韜
景乍崑嶠境殊雲霧多心魂慄微弱緬彼上世
士升嶠均遠託儻若果幽期豈意淪蹟鑠

說劍送周孺允

孺允有雄劍藏之二十年以上鑄七星字文章皆
自然戚戚鱗甲青黯黯有奇烟日夜自拂拭行
行至幽燕累干苦未售出之聖人前一朝聲譽
開遂登黃金臺浮雲為之決龍光天際素物久
俞仲蔚先生集卷之三
五三
精氣多豈同塵與灰託意每不淺弟令世上猜
安知三千士服斃俱蒿萊

吳江普濟寺古柏

古柏觔骨奇磔裂求生死年多葉道細疊腐如
馬齒陰坳滋綠苔燥節流素髓胡為長偃蹇獨
抱正整美寧隨兵鋪落與物齊一軌

寄李攀龍二首

烈風飄中野惻惻將焉之世務多委曲龍性非
俗宜君子存遠鑿端操方獨持息心都邑游長

嘯歸東菑遺榮棄鄙議一往不復疑逍遙極懽
情散髮臨川坻達人貴止足斯義誠不虧引領
佇所欽安能与我偕

日夕思君子邁會何由期山澤阻且脩念隔難
克偕未見致款誠亮由心相知相知不相見悠
悠使我悲曠若懷古人千載與我睽古人雖云
遠詎令歡愛携顏言結蘭芳平歲永御之來章
倘不乏庶慰長渴飢

與王元美

并序

俞仲蔚先生集

卷之三

五四

元美歸自京師即以家難復馳赴焉舟次城
隅予為負病出祖於時天垂厚陰烈風隆寒
音旨哀憤心誠痛之因復累嘆長夜舊病增
劇信分乖之致感年命之不固遂作詩三篇
用申薦好且念嘉會之無期耳

北風何烈烈日暮玄雲征浮舟涉大江遊子不
得停念當卒歡好奄忽禍患嬰臨流申別言言
叢涕自零判若參辰隔何時復來并願保金石
軀傾耳聆休聲

季冬嚴霜月去我之朔方萬里戀辰昏憶中
自傷寒氣侵襟袖河宿正縱橫徒有盈觴酒與
子不能將念茲雖云乖終當返舊疆

良時遭歡友嘉會難可常始出燁春華今來慘
嚴霜斯須臨路側離別在一觴古人可喻心豈
不惜蘭芳安得常嫵婉與子相隨翔

贈林居士

林公好竒書日夕自研披蕭然遺世慮六十仍
早棲與語皆隱淪固窮不復疑毋理邈難匹所
俞仲蔚先生集卷之三
五五
保諒非違事事如古人予今竟誰知素心苟如
此奚用空名為

寄題蘄州高別駕園林

昔公遊梁罷不喜干壤居尋幽極遐情茲山信
縈紆踈峰別巖蒼選勝開林閭松篁蔭後園蘭
蕙滋前除泯泯江漢流俯映皆空虛龍磯莓苔
古千年壑寒淤却願麒麟山蒼然嵐靄初

贈莫雲卿

莫子木不羈逢人即相知朗然澈丹素便要千

古期若無深沉思又為璀璨詞衆意所未决出
之了不疑投壺應桑林談笑傾一時飄飄滄洲
趣清輝凌鬣霓交驩瑯琊君斝杯共揚眉不愁
白日暮但賞知音稀願我還索漠披文每淹移
開花落空庭獨有香風吹攬之不堪贈窸窣空
尔為

送葉伯寅遊永嘉

昔聞謝康樂高情屬霄漢符守焉足羈滅蹟類
幽竄風疏人倫外尋雲常苦晏所託良未淺賞
俞仲蔚先生集卷之三 五六

晨逸志期汗漫沿洄巖子瀨奔峭赤亭岼樹隨
猩羆浹峰與烟霞亂清江千仞激寧假濯衣玩
觀竒諒心契旅遊豈情歎願我懷閨室咫尺步曾
未半傾想遲歸舟舒情共欣讚

寄吳明卿

余本蓬室士疾疾况窮年落落衡門內日夕我
寒烟雖無原生期曠若相周旋何子特見賞令
我顏色妍片言結心曲挾纊未為暄悠悠阻音

徽契闊何由宣恨非排風質與子賓窠天

寄徐子與

惟昔常與子歡情翫芳荃終晏臨華池合坐忘
景遷澄月揚素彩蒼蒼出中園清管應妍唱遺
響徹雲天車子安足誇由來有自然媿非繁休
伯奮藻柝長牋念子舍餘歡秋期復未還何獨
成駢服遂令孤韻言還期暮春時慰我飢渴顏

送周芝孫北游

周郎有逸興染翰六鮮儔結文名公子遠託千

俞仲蔚先生集

八卷之三

五七

注

里遊揮袂辭親知登艫出芳洲行行越舊壘北
望燕與幽才賢萬里會鬱鬱都邑稠走馬黃金
臺知音儻可投顧余老巖石矯足宣夷猶

送徐按察紉明之湖廣

今日看征蓋春風喜去旌托花漢江水楊柳武
昌城詩得窟時趣人歸謗後名也田成布錦推
監作和羹才大無淹秩時來不用營朝廷新氣
象霄漢待君行

送王少叅敬美之江州

王君弘美度觀書志披襟牋麻每盈箱翰墨間
揮霍籍籍收衆譽芳風播蘭若頗歛承明廬祇
投出漳洛旋登太華巔六復資遠託金繩引絕
巘玉梁亘幽壑磨膏捫懸崖側足履半嶠路東
逢崑刺天峭斷翔雀惟君嗜竒游躡身出塵廓
又聞廬山秀熾岫必天鑿磅礴浸三江氣變莫
可度其內多異蹟古仙所棲泊移蒞方在茲歡
情從中作延領睇高軌怡然去羈縛何當盛明
世終以縻人爵

俞仲蔚先生集

卷之三

五八

送王儀部敬美赴工部

蔚蔚雙瓊樹枝葉何歲蕤芳華參差發一一春
風吹與子方晤言分睨由良知如何限官守整
駕從前綏行者日以踈居者將復離世路有殊
軌日月無淹期立德豈藉貴盡意非在辭勗八
慎所履永用慰幽棲

秋日四首

秋日臨高城曠然氛霧收稜稜晴山出色淨寒
塘流淒清菰苕稀羣影居下頭積痾無時豫是

日欣久留長恐行徑黑餘興猶未酬

窮居唯自知垂老坐幽石白髮不可鐻了無周
身榮海氣生早寒颼颼櫺庭夕商歌乏偶響敢
謂天地窄獨有千古心躄嶽桂枝白

雨氣久厭苦開晴喜至暝精明月更出空闊天
無星地濕發寒彩餘影澄逢汀竒懷忘深夜耳
靜無所聽不知霜華落曙色青冥冥

新晴雲氣鮮月色高更潔幽庭宿涼雨照耀如
積雪思鳥但聞響遙影空中滅久靜機思清整

俞仲蔚先生集

卷之三

五九

淮

與人羣別曰知雲岵內事事皆可悅

九日

閒居愛重九晨色晃初晴澹澹氛霧開草木含
光精罔巒厲嵯嶸石瀨滋冽清極望藹垌牧禾
黍被脩塍高雲矯輕羽迅颼隕浮榮隨時覽物
化冉冉焉得停將老思近年淹留餌秋英豈不
昧服理聊以攄吾情

秋懷

季秋積氣盛大野屯隆陰萬物忽改色淒淒多

楚音摧藏失志義長嘯高山岑獨行無匹儔浩
蕩愁余心冥數苟如此且復俟來今

丁巳七月九日大風拔木偃稼一首

去歲地維裂遂欲開西北秦華忽播搖河流互
傾覆富媪曷自虞萬姓遭顛仆及來怒狂飈偃
拔恣雄力眩眩象雷聲迴穴無停刺大塊苟噫
氣何由有戕賊璿生書五行妖祥詎為極天心
疇能忖感悟恒在德吁嗟杞人憂方此諒非惑
我欲緘此詞遺之於海識

俞仲蔚先生集

卷之三

六十

漁父

昔有漁父者輕舟若乘風心恬濤瀾事澹蕩空
虛中夕依落月聞晨沈初日逢釣竿揭日月蜿
蜿驚潛龍運思沉九淵所得豈在豐惜哉行吟
客願言而莫從鼓枻滄浪流聲與天壤終

秋夜

孟秋逢餘閏陽景奄西歸清雲蔭蓬苙皦月揚
素暉涼露承輕葉澹澹河宿稀中夜結遙念攬
衣起徘徊遵塗豈不疾願瞻獨有違苦心將焉

寫抱影私自悲

登圖山

晨發候翔陽暮投乘夕曛
籠茸入烟濯迷窳鶩
荒菁標峰天外竒發地茲
江瀆峯岑類奔兕巢
嶻象鶩積深洞韜恠章華
嶸被綺文黑霧鬱海
色丹霞隱日氣攀鴻升八
齊宿熾懋千雲伏化
賊靈族宣遊必仙羣敷文
絕往篇竒紀昧前聞
幽期自茲協秉顛辭世終
無為樹杉擯惻惻懷
煩緼

俞仲蔚先生集

八卷之三

六一

贈虞山老人

迢迢虞仲山回環四十里
其下澄湖陰半在山
色裏湖陰與山色蕩漾蒼
翠新時時白雲來往
往如鎔銀可以洗心耳
使我無埃塵君年六十
餘久與湖山鄰日玩易
厭歇茲意恐未申余有
隱淪交扁舟去無因往
篇有深意為君再三陳
贈竹洲館陸道士

竹館多涼氣白日自森閑
疎響落鳴瓊稠陰委
驚翠竇書時復開青鳥還
能使聊欣山巵舉超

然有冥寄

送顧舜祥授四川鹽課提舉之任二首

繁林雖蔚蒼擢幹衆乃形顧君茂前基奕奕隆
雋聲酌言汰浮說立行表冲情殊方眷明德祗
役出郊坳嶢峴睇梁岷迨逆越荆衡叱馭馳九
阪疎體入青冥心與日月懸迨随烟霧并皇猷
亮已著義峻身始輕豈怯遐怪極焉睹耳目譎
遠績苟辭勞何以希令名

梁岷西南秀嶒嶒一何尊已極天地險鬱為五

俞仲蔚先生集

八卷之二

六一

岳根谷神須相吞鳥道雲孤翻三回巴江盡七

盤勢彌屯始悟去人遠反喜城市喧地偏氣益

奇四賢復高騫

四賢漢嚴遵司馬相如楊雄
王褒梁鮑照有蜀四賢詩

均

託盛明朝遺烈炳璵璠矧茲割據跡興衰互明
昏其事雖已往當時劇崩奔倘協訪古情曩聆
他日言

送王元肅

閒居懷長戚寢瘵彌十旬與子猶比屋蓄念曾
來申念隔長依依曠言及茲春往駕過不留談

慰邀無因悠悠越大河去我提颺塵曠然增遠
索思德彌以新世務無期度歡道將何辰盡意
豈在言聊用叙懿懃

送向容周明府還南京大理許事

周侯蘊美度不隨俗浮沉翩翩垂天翼乃棲枳
棘林屈已遂弘化衆知惠愛淡飛鳧憩華陽清
機開道心鳴絃致精賞山水諧奇音行高不終
躡夷路徵在今韻言茂遠績芳風播謠吟

送梁伯龍游天台將往武夷

俞仲蔚先生集

卷之三

六三

嘗觀興公賦冥搜恣遐躅天開赤城標曠然豁
心目瓊臺望朱闌相連入雲族松聲湧波濤遙
瞻但空濛石屏莓苔滑此中勢莫窮改轍復南
行名山當武夷碧嶂爭峭崿秀色明迴谿丹宮
仙人古却紆武帝祠子有超世情興言懼鬢變
諛身事冥搜逍遙釋常戀余亦秉微尚每懷巖
壑奇守見苦未弘棲遲遂淹時何時拂衣去與

子諧幽期

